

Keppnisnefnd Landsþing LH 27.nóvember 2020

Fundarstjóri: Elvar E. Einarsson

Ritari: Sara Gísladóttir

Þingskjal 5

Tillagan var:

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir að notast verði við reglur um gæðingafimi unnar af starfshópi LH um gæðingafimi til reynslu fram að landsþingi 2022. Mælt er til að keppt verði í greininni á Íslandsmóti og þær mótaraðir sem hafa gæðingafimi sem keppnisgrein noti þessar reglur á næsta keppnisári. **Að keppnistímabilinu loknu verði reglurnar teknar til endurskoðunar með tilliti til þeirra athugasemda sem keppendur, dómara og mótshaldarar gera.** Stefnt er á að reglurnar verði lagðar fyrir landsþing 2022 til samþykktar sem reglur LH um gæðingafimi. Hestamannafélögin verði einnig hvött til að halda mót í gæðingafimi á öllum stigum til að fá sem mesta reynslu á reglurnar. Sjá reglur starfshóps LH um gæðingafimi.

Breyting:

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir að notast verði við reglur um gæðingafimi unnar af starfshópi LH um gæðingafimi til reynslu fram að landsþingi 2022. Mælt er til að keppt verði í greininni á Íslandsmóti og þær mótaraðir sem hafa gæðingafimi sem keppnisgrein noti þessar reglur á næsta keppnisári. **Nefndin sem hannaði þetta og gerði fái allar athugasemdir um breytingar og þróun greinarinnar til næstu tveggja ára. Senda inn allar breytingar og tillögur til LH.** Stefnt er á að reglurnar verði lagðar fyrir landsþing 2022 til samþykktar sem reglur LH um gæðingafimi. Hestamannafélögin verði einnig hvött til að halda mót í gæðingafimi á öllum stigum til að fá sem mesta reynslu á reglurnar. Sjá reglur starfshóps LH um gæðingafimi.

Viðbót við þingtillögu:

Nefndin sem hannaði þetta og gerði fái allar athugasemdir um breytingar og þróun greinarinnar til næstu tveggja ára. Senda inn allar breytingar og tillögur til Hjörnýjar hjá LH.

Keppnisnefnd samþykkti samhljóða með breytingartillögu.

Þingskjal 6

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir eftirfarandi breytingu á kafla 7, Reglugerð um gæðingakeppni í lögum og reglum LH. Við bætist ný keppnisgrein er kallast „gæðingatölt“.

Greinargerð

Gæðingatölt er til þess ætlað að keppendur hafi fleiri verkefni fyrir sitt keppnishross á gæðingamótum. Oft á tíðum hefur verið boðið upp á T1 eða T3 á gæðingamótum með tilheyrandi kostnaði og það keppnisform hentar ekki öllum. Með þessu viljum við bjóða upp á keppnisform sem gæti hentað vel fyrir hinn almenna reiðmann.

Keppnisnefnd samþykkir án breytinga með fimm mótatkvæðum.

Þingskjal 7

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir eftirfarandi breytingu á kafla 7, Reglugerðum um gæðingakeppni í lögum og reglum LH.

Greinargerð:

Með tilkomu þessara nýju greina auðveldar það félögum að halda mót í gæðingakeppni innanhúss og einnig að nota þær í vetrarstarfi utanhúss. Þessar greinar eru riðnar eins og sérstök forkeppni. Með því að fjölga flokkum í gæðingakeppni er verið að auka fjölbreytni í gæðingakeppnisgreinum. Mótshaldarar hafa nýtt sér reglur um sérstaka forkeppni til að bjóða upp á fleiri greinar. Með því að lögleiða þessar greinar er hægt að setja þær inn í Sportfeng og auðveldar það mótshöldurum framkvæmd móta. Mót hafa verið haldin með fyrirkomulagi sérstakrar forkeppni þar sem riðið er eftir reglum hennar en þá hefur verið farið í gegnum Sportfeng á þann hátt að notuð er venjuleg forkeppni inn í Sportfeng og ákveðnar eru tölur fyrirfram til þess að fylla inn í þær gangtegundir sem ekki eru sýndar en með því komast mótshaldarar fram hjá milliriðlum. Ókostir þessar leiðar eru þeir að mótið getur færst inn sem löglegt mót og þ.a.l. færast hestar inn á stöðulista inn á Worldfeng.

Flutningsmenn þingskjals (keppnisnefnd LH) draga hana til baka. Vísað frá.

Þingskjal 8

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingartillögu við grein 7.3.4 Framkvæmd keppni og grein 7.6.2. Framkvæmd úrslitakeppni, í lögum og reglum LH.

Keppanda er frjálst að sýna gangtegundir í þeirri röð sem hann kýs. Hann ræður upp á hvora höndina hann hefur keppni og má skipta einu sinni um hönd í sýningu, þá á skammhlið. Keppandi hefur 3 hringi til umráða, þ.e. 6 langhliðar. Í A-flokki er heimilt að nota beinu brautina einu sinni, í stað einnar langhliðar á hringvelli. Endi knapi sýningu á beinni braut, skal hann eftir 2,5 hring, enda hringvallarsýninguna á skammhlið og ríða svo ferjuleið út á enda beinu brautarinnar. Noti sýnandi beina braut áður en hann hefur lokið 2,5 hringjum á hringvelli, fer hann af miðri skammhlið, ferjuleið á enda beinnar brautar. Eftir að hafa farið beinu brautina ber honum að ríða inn á hringvöllinn ferjuleið á næstu skammhlið og ljúka svo sýningu á skammhlið. Eftir að keppandi hefur hafið aðreið að skeiðsýningu er honum óheimilt að taka baug eða snúa við. Skal hann þá dæmdur úr leik. Endi keppandi sýningu á beinni braut, endar hann sýninguna við enda beinu brautarinnar. Knapir skal gefa til kynna með greinilegri höfuðhreyfingu að hann hafi lokið keppni.

Breytingartillaga við gr. 7.6.2

Framkvæmd úrslitakeppni, Grein **7.6.2.1 Alhliðahestar – A-flokkur orðist svo:**

7.6.2.1 Alhliða hestar – A-flokkur

Úrslit skulu fara þannig fram:

- Sýna skal tölt á frjálsum hraða allt að tveim hringjum til hvorrar handar.
- Sýna skal brokk allt að tveim hringjum til hvorrar handar.
- Sýna skal tvo skeiðspretti báða til sömu handar, að höfðu samráði við keppendur.
- *Eftir að keppandi hefur hafið aðreið að skeiðsýningu er honum óheimilt að taka baug eða snúa við. Skal hann þá dæmdur úr leik.* Á milli atriða og þegar skipt er um hring, skulu keppendur hægja niður á fet, jafna bilin og bíða frekari fyrirmæla frá stjórnanda.

Öll úrslitakeppni skal hefjast á vinstri hönd.

Breytingartillaga frá keppnisnefnd: Að tillagan sé líka fyrir A-flokk ungmenna.

“7.6.2.1 Alhliða hestar - A-flokkur fullorðinna og ungmenna”

Þingskjal samþykkt samhljóða með breytingartillögu.

Þingskjal 9

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingu á grein 8.3.2.1 Innahússmót, í lögum og reglum LH.

8.3.2.1 Innanhússmót Um innanhússmót gilda eftirfarandi reglur.

Almennt gilda sömu reglur og utanhúss með eftirfarandi undantekningum.

Sérstaklega skal minnt á skil á mótsskýrslu til að árangur skráist í Mótafeng og þar með inn í Worldfeng. Þegar riðið er inn á völl á innanhússmótum er leyfilegt að leyfa lengri leið áður en keppni hefst, eftir því sem aðstæður leyfa. Einkunnir úr innanhússmótum gilda ekki sem árangur til keppni utanhúss. Þær gilda því ekki sem lágmarkseinkunn til þátttöku í tölti á Landsmóti né ekki til þátttöku á Íslandsmóti. ~~Reglur um vallarstærð og vallargerð eiga ekki við.~~ Til að innanhússmót verði lögleg og telji til árangurs knapa á hvers keppnisárs þarf vallarstærð að vera að lágmarki 19 m. á breidd og 60 m. á lengd. Innanhúsmót munu ekki vera lögleg til að vera á stöðulistum FEIF.

Breytingatillagan:

Þingskjal 9a

Almennt gilda sömu reglur og utanhúss með eftirfarandi undantekningum.

*Sérstaklega skal minnt á skil á mótsskýrslu til að árangur skráist í Mótafeng og þar með inn í Worldfeng. Þegar riðið er inn á völl á innanhússmótum er leyfilegt að leyfa lengri leið áður en keppni hefst, eftir því sem aðstæður leyfa. Einkunnir úr innanhússmótum gilda ekki sem árangur til keppni utanhúss. Þær gilda því ekki sem lágmarkseinkunn til þátttöku í tölti á Landsmóti né ekki til þátttöku á Íslandsmóti. Reglur um vallarstærð og vallargerð eiga ekki við. Til að innanhússmót verði lögleg og telji til árangurs knapa á hvers keppnisárs þarf vallarstærð að vera að lágmarki 19 m. á breidd og **50 m.** á lengd. Innanhúsmót munu ekki vera lögleg til að vera á stöðulistum FEIF.*

Breytingatillaga að þingskjali: lágmarki 19 m. á breidd og **50 m. á lengd.**

Keppnisnefnd samþykkir breytingartillögu samhljóða.

Þingskjal 11

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingartillögu við kafla 7.8.1 Sérstök forkeppni, í lögum og reglum LH.

7.8.1.3 Barnaflokkur

- Þrír til fimm hestar inni á hringvellingnum í einu
- Tveir hringir brokk og/eða tölt
- *Stjórnun og áseta x 1*
- Tvær umferðir stökk, betri ferð gildir til einkunnar
- Stjórnun og áseta x 1
- Deilitala fyrir dómara er 4

Keppnisnefnd samþykkir samhljóða.

Þingskjal 16

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingartillögu við grein 8.7.17.4 Ræsing með rásbásunum eða sjálfvirkri ræsingarvél í lögum og reglum LH.

*Þegar rásbásar eða sjálfvirk ræsingarvél er notuð fá knapar 2 mínútur til að koma hestum sínum inn í rásbásana. Innan 30 sekúnda eftir að síðasti hestur er kominn inn í sinn rásbás skal ræsa. **Loka skal rásbásun að aftan áður en ræst er.** Hafi knapa ekki tekist þetta innan þessara tímamarka er hann dæmdur úr viðkomandi hlaupi. Aðstoðarmenn verða að standa með að minnsta kosti annan fótinn á jörðu, án undantekninga. Fari aðstoðarmenn ekki að reglum er knapi dæmdur úr leik. Einn aukadómari er staðsettur fyrir aftan ráslínu til að leiðbeina og fylgjast með framkvæmd ræsingar. **Hjálmaskylda er á öllum sem vinna við rásbása, aðstoðarmönnum knapa, ræsi og dómara sem staðsettur er við rásbás.***

Keppnisnefnd samþykkir samhljóða en er jafnframt vísað til FEIF.

Þingskjal 17

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingartillögu við grein 7.7.4.4 Ungmennaflokkur A-flokkur, í lögum og reglum LH.

7.7.4.4 Ungmennaflokkur – A-flokkur

Ríðnir skulu þrír hringir og sýnt fet, tölt, brokk, stökk og skeið. Heimilt er að sýna skeið einu sinni á 175 m langri braut, sbr. ákvæði 7.4.3. Einkunnum fyrir fegurð í reið og vilja er bætt við. Einfalt vægi er á einkunnum fyrir vilja, fegurð í reið, tölt og skeið. Ekki skal keppa í Ungmennaflokki A-flokki á landsmótum.

Keppnisnefnd samþykkir þingskjal samhljóða.

Þingskjal 18

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingartillögu við grein 7.5.2.1 A-flokkur gæðinga og grein 7.5.2.2 B-flokkur gæðinga í lögum og reglum LH.

Breytingartillaga við grein 7.5.2.1 A-flokkur gæðinga

Fyrir framan fyrstu málsgrein bætist málsgreinin: „Hestur sem tekur þátt í A-flokki gæðinga getur ekki tekið þátt í öðrum A-flokki gæðinga, né neinum Beða C-flokki gæðinga á sama móti.“

Breytingartillaga við grein 7.5.2.2 B-flokkur gæðinga

Fyrir framan fyrstu málsgrein bætist málsgreinin: „Hestur sem tekur þátt í B-flokki gæðinga getur ekki tekið þátt í öðrum B-flokki gæðinga, né neinum Aeða C-flokki gæðinga á sama móti.“

Keppnisnefnd samþykkir þingskjal samhljóða.

Þingskjal 19

62. Landsþing Landssambands hestamannafélaga, haldið í Reykjavík 27.-28. nóvember 2020, samþykkir breytingartillögu við kafla 8.2.3 Útbúnaður knapa, og við kafla 7.3.2 Sýnandi, búnaður hests og knapa, í lögum og reglum LH.

8.2.3 Útbúnaður knapa

Á öllum mótum skal knapi klæðast reiðjakka, félagsbúningi eða einfaldri íþróttapeysu eða mittispeysu, reiðbuxum og reiðstígvélum eða skóbuxum og reiðskóm. Í skeiðkappreiðum og gæðingaskeiði skulu knapar klæðast reiðbuxum og reiðstígvélum eða skóbuxum og reiðskóm en mega að öðru leyti vera í þægilegum og viðeigandi klæðnaði. Sporar eru bannaðir. Notkun á viðurkenndum reiðhjálmi er skylda. Á öllum mótum þar sem keppt er eftir reglum þessum skulu knapar ávallt bera opinberlega viðurkenndan reiðhjalm á hestbaki. ~~Í gæðingakeppni er pískur einungis leyfður í barna- og unglingsflokki.~~ Pískur má ekki vera lengri en 120 cm að meðtöldum pískenda. Í skeiðkappreiðum eru pískar bannaðir. Knapi má einungis nota einn písk í einu. Reglur um píska gilda á öllu mótssvæðinu á meðan á mótinu stendur.

Breytingartillaga við grein 7.3.2.

7.3.2 Sýnandi, búnaður hests og knapa Þegar gæðingur kemur fyrir dómnefnd, skal eigandi sjálfur, eða sá er hann kveður til, sitja hestinn í dómi. Í gæðingakeppni vísast til kafla 8 í lögum um íþróttakeppni (FIPO) um allan útbúnað knapa og hests. ~~Í gæðingakeppni er pískur leyfður í öllum greinum.~~

Keppnisnefnd fellir þingskjal með meirihluta atkvæða.

Önnur mál hjá keppnisnefnd:

Kom umræða um þingskjal 3 - Íslandsmót. Nefndarmönnum fannst skrítið að hún skyldi ekki vera sett fyrir keppnisnefnd.

Fór smá umræða af stað á milli nefndarmanna.

Samþykktar reglur 2018 um Íslandsmót sem aldrei hefur verið farið eftir.

Huga að stöðulista eftir 2 ár.

Þau ungmenni sem vilja koma inn á listann að ríða sig upp í mjög fámennan hóp.

Mögulega herða lágmörkin á þessu tímabili og ræða þetta aftur eftir ár.

Hækka lágmörkin.

Alltof mikill niðurskurður fyrir ungmennin. Leyfa þessu ári að líða.

Mismunur á milli fjölda í greinum. Bæta við einum degi og taka gæðingafimi inn.

Allsherjarnefnd búin að fara vel yfir þingskjalið og gjörbreyta henni. Fara yfir tillöguna í fyrramálið og leggja fram nýja tillögu.

Stytta mótið svo að sé hægt að sýna í sjónvarpinu. Erfitt að sýna í sjónvarpi þegar eru margir dagar undir.

Þingskjalið þarf miklu meiri undirbúning. Ekki góð vinnubrögð.

- **Fara fram á að fresta þessari tillögu þar sem undirbúningur og tími hafi ekki verið nægur.**
- **Reyna að fá stjórnina til að senda þessar nýju tillögur á netföng þingfulltrúa til að geta kynnt sér hana og lesið vel yfir áður en hún er sett fram fyrir þingið.**
- **Erum á móti þessari tillögu óbreytt og þurfum að sjá hana á morgun, fellum hana á þinginu ef erum ósátt við breytingartillögunni.**
- **Ómar og Siguroddur taki tillöguna til athugunar þar sem þetta skiptir miklu máli. Fjalla betur um þetta. Siguroddur: vísa þessu til stjórnar og vinna þetta betur á næstu tveimur árum.**
- **Siguroddur biður Hjörný að koma nýju tillögunni til nefndarmeðlima í fyrramálið.**